

明朝典彙

九	八	七	六	五	四	三	二	一
九	八	七	六	五	四	三	二	一
九	八	七	六	五	四	三	二	一
九	八	七	六	五	四	三	二	一

九	八	七	六	五	四	三	二	一
九	八	七	六	五	四	三	二	一
九	八	七	六	五	四	三	二	一
九	八	七	六	五	四	三	二	一

内閣文庫	
番號	漢 9205
冊數	64 (31)
函號	294 39

0 1 2 3 4 5 6 7 8 9 10

Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19

C Y M



附庶吉士

洪武十八年 上以諸進士在翰林承勅監等近侍衙門者取庶常吉士之義稱為庶吉士

淺草文庫

二十一年四月 上謂庶吉士解縉曰朕今與爾義則君

臣恩猶父子當知無不言縉退上封事大略謂願陛下推愛臣之心愛天下推待臣之心待萬物以天地為一體

下為一人令不宜於數改刑寧失於不經凡萬餘言皆人所不敢言者 上嘉獎之 上嘗好觀說苑

韻府道德經心經縉言說苑出於劉向向之學不純所取不經且多戰國縱橫之論壞人心術韻府出於元之

陰氏鄙猥蕪穢略無可采陛下若喜其便於檢閱願命
一二儒臣集唐虞周孔之言勒成一書以備勸戒且今
六經殘闕而禮記出於漢儒蠢駘尤甚宜及時刪改更
訪求審樂之儒作樂書以承唐虞以惠萬世縉又獻太
平十策一曰參井田均田之法二曰兼封建郡縣之制
三曰正官民四曰興禮樂五曰審輔導之官六曰新學
校之政七曰省繁冗八曰薄稅斂九曰務農十曰講武
條陳以上 上嘉之而未及行

永樂二年五月擢庶吉士杜欽黃惟正鄭慶周玉羅亨信
張侗爲給事中

三年正月 上命學士解縉等於新進士中選其英俊者
俾就文淵閣進學乃選修撰曾棨編脩周述周孟簡庶
吉士楊相王訓王直吳紳彭汝器劉子欽余學夔童朴
盧翰熊直王道羅汝敬沈升柴廣敬王英余鼎湯流洪
順段民楊勉章徹李時勉倪維哲陳敬宗袁添祿二十
八人入見 上諭勉之曰人須立志志立則功就天下
古今之人未有無志而能建功成事者汝等簡拔于千
百人中爲進士又簡拔於進士中至此固皆今之英俊
然當立志遠大不可安於小成爲學必造道德之微必
具體用之全爲文必並驅班馬韓歐之間如此立心日

進不已未有不成者古之文學之士豈皆天成亦積功所致也汝等勉之朕不任爾以事文淵閣古今載籍所萃爾等各食其祿日就閣中恣爾玩索務得實於已庶國家將來皆得爾用不可自怠以孤朕期待之意時庶吉士周忱自陳年少願進學上喜曰有志之士也命增為二十九人遂命司禮監月給筆墨紙光祿給膳禮部月給膏燭并鈔工部擇近第宅居之且命縉領其事數召至便殿問以經史諸子故實或至抵暮方退五日一休沐使內臣隨之校尉備騶從人莫不榮之上時搜奇書僻事以驗所學際等多對誦如流上甚喜多

所獎賚恒顧羣臣曰秀才輩性子直可親近縉嘗以鍾山龍蟠詩試諸人甚稱彭汝器所作一日上問捕蛇者說汝器即朗誦於前甚奇其才王訓以大江遶金陵賦進上最稱之且程試課業大嚴賞罰而王英王直尤為儕輩所推讓

上一日命左右至文淵閣覘庶吉士講習否令一一記其動靜比報各有所事唯劉子欽袒腹席地酣睡上命召至謂曰吾書堂為汝臥榻邪罰去其官可就往工部為辦事吏子欽畧不分疏遽謝恩起而出至外即買吏巾條服之步入工部跽於庭尚書見之驚起迎之子欽

曰奉 聖旨命子欽為本衙門吏尚書不敢答子欽便
 登堂侍立於旁與羣胥偶少頃 上又命一豎入部覘
 之還報云云 上笑曰劉子欽好沒廉恥更令召來子
 欽至猶吏服 上顧左右還冠帶歸內閣讀書子欽又
 無言遽起謝恩出具冠袍返閣中卽一日間也

先是禁收藏方孝孺詩文時庶吉士章朴偶註誤與序班
 楊善同坐事與善言家有孝孺文集善卽借觀密以奏
 聞 上怒逮朴戮於市而復善官

四年選進士江殷胡啓光孫迪張叔豫李岳潤陳孟潔張
 士選鄭復言曾春齡蕭福曹閻盧永黃獻為庶吉士


七年選進士楊慈劉永清陳璉錢習禮黃壽生陳用鍾瑛

張習張式馬信邵聰為庶吉士皆原在翰林習譯書者

初為國子生選入翰林院習譯書至是登第云

十年選進士蔣禮趙勗徐俊何賢潘勤黃裳羅興楊榮張
 觀馬馴王璜劉濬胡讓邵進宋顯方復為庶吉士皆原
 習譯書者

十三年選進士洪英王翺林文枯宋魁陳鏞曾弘林適節
 胡瀨章文昭嚴珊金關王英鄭珞袁璞周崇厚習倣鄭
 雍言牟倫吳棠張益黃仲芳廖謨宋琰朱景范淙黃璫
 陳文璧高穀張堅沈暘王懋姚昇吳清方勉林超曹義



龔英時永彭麟應陳坤奇李芳葉賴王士華吳紹生丁
毅石玉黎民張遜萬完周貴連智王諭樊教王麟戴觀
許彬徐景安石慶鄭獻李冠祿周安謝暉六十二人爲
庶吉士王懋以下皆習譯書者

十六年選進士周敘董璘楊瑛褚思敬尹鳳岐陳詢徐律
習嘉言王賓胡文善周懋昭王暹雷遂莫珪孔友諒秦
初十六人爲庶吉士

十九年選進士衛恕陳融溫良張恕萬碩黃澍楊鼎王璉
蔣謙韋昭爲庶吉士皆原習譯書者

二十二年選進士徐賢何志薛理李芳蔡英葛陵六人爲

庶吉士

宣德二年取原習譯書進士邢恭爲庶吉士

五年三月命大學士楊士奇楊榮金幼孜選進士薩琦遠
端葉錫陳璣林補王振許南傑江淵八人爲庶吉士送
翰林進學給酒饌房舍月賜燈油鈔悉如永樂之例復
命兵部各與阜隸上顧士奇等曰後生進學必得前
輩老成開導之卿等日侍左右無餘閒其令學士王直
爲之師常提督教訓所作文字亦爲開諭改竄卿等或
一兩月或三月一考閱使有進益如一二年怠惰無成
則黜之

徵庶吉士三十人分隸近侍諸衙門如洪武乙丑之制次日引入齊宮御試止用八人仍擇進士有文望者預試一命題出取士何以得真才論吳節為首范理第二皆上所親裁在前列者賜白金五兩楮幣五十緡餘有差楊寧等詔歸讀書

八年命禮部尚書胡濙同大學士楊士奇楊榮選進士尹昌黃瓚趙智傅綱黃回祖黃雲為庶吉士命王直教習十一月復選庚戌癸丑科進士徐瑄賴世隆吳節李紹姜洪虞瑛潘洪王玉陳金劉實鄭建方熙何瑄為庶吉士亦命王直教之復詔令臨御以來三科進士御文華殿

親試之拔其尤者鄭建等二十八人與修撰馬愉陳循林震曹鼐編修林文龔錡鍾復趙恢評事張益同進文淵閣其優禮給賜如永樂之制仍賜御製詩以示勉勵上謂楊士奇等曰朕昨命卿等簡庶吉士俾進學因思賢才必自國家教養以成之教之不豫安能得其用因作詩述意卿當以朕意諭之俾知自勵詩曰國家用賢良豈但務精擇賢良之所出亦自培養得虞廷教元士周家重俊宅 皇祖簡賢科教育厚恩澤二十有八人用之著成績朕心切旁求夙夜恒側席是科凡百人中豈乏卓識爰拔俊茂資將以繼往昔優游詞垣內研究古



載籍摘辭務淳龐勵行必端直所期在登庸澤物兼輔
德昂哉副予望奮志毋自畫

上謂吏部尚書郭璉等曰在外庶官亦必有文學可取者
卿其爲朕選擇之明日進引六十八人入奏上命楊
士奇楊榮出題試於廷中擇其優者知縣孔友諒進士
胡端禎廖莊宋璉教諭黃純徐惟超訓導婁升七人以
聞令吏部改進士爲庶吉士與知縣教授俱歷事六科
正統六年選進士王鑑劉越余朴王尚文伊侃李震王忠
王偉徐瑛徐珪古鏞顧暉雷復爲庶吉士命少詹事王
直王英教習

十三年命內閣選進士爲庶吉士止選北方及四川人得
二十九人萬安曹鶴熊瓚劉吉孫茂劉珣王勤謝環白
行順李泰宋弼邢讓劉清喬毅李鏞王恕孫昱孟祥曹
輔韓敏尹旻張斐李讚李寬華顯霍榮郭安李豎成章
以侍讀習嘉言侍講王一寧編修趙恢教習後補命侍
講劉鉉修撰王時權監王振嫉南人故置不選

景泰二年選進士吳滙周輿戚瀾張永呂晟王猷劉寧俞
欽相傑楊守陳章緣張業金文鍾清田斌章表楊杲彭
信劉泰江朝宗二十人爲庶吉士於東閣讀書

五年選進士丘濬耿裕彭華劉鈺陳龍牛綸孟勳何琮吳

國朝典彙卷五十七
庶吉士
七
禎嚴全尹直陳政寧珍馮定金紳黃甄王寬夏時十八人爲庶吉士命春坊大學士劉儼教習

天順四年選進士劉健張賑李溫張謹張頤周經王範蔡霖張浦楊瑛鄭紀童璣汪諧張元禎十四人爲庶吉士命學士劉定之侍讀學士錢溥教習

八年選進士李東陽倪岳謝鐸張敷華陳音焦芳汪鉉郭璽許禮劉大夏劉道王璉傅瀚張泰吳希賢董齡杜懋史爲庶吉士命學士劉定之柯潛教習

成化元年八月擢庶吉士李東陽倪岳謝鐸焦芳陳音爲編修吳希賢檢討張敷華等九人爲各部主事

十二月改庶吉士許禮等觀政各衙門自正統以來所選庶吉士內閣奏請學士二員於翰林公署教習與祖宗時文華堂文淵閣舊規不同內閣按月考試第其高下以爲去留之地將及三年則邀求散館不復以進修爲事至是庶吉士相率入內閣請散館大學士李賢謂曰教養未久奈何遽欲入仕許禮抗聲對公從何處教養來賢責之則曰吾輩教習雖例該三年已燒却一年矣謂癸未春闈災故也賢怒請旨分散各衙門觀政尋授禮南京刑部主事

二年選進士林翰劉鈺章懋李傑翟瑛陸淵之黃仲昭謝

文祥李瑒張誥畢瑜宋應魁邵有良商良民鄭巳張鈍
章鎰何純莊景鍾晟王俊石淮施純王偉二十四人爲
庶吉士命學士劉定之柯潛教習

五年選進士張燧費閻陳斌蕭嶼梁澤尹龍馮蘭喬維翰
陳紀張晟李介王臣尹仁王錦徐謙方珪謝顯吳祚十
八人爲庶吉士命講讀學士陳鑑丘潛教習

十四年選進士梁儲張濬徐鵬江藻鄧掖林霄江瀾張九
功陳邦瑞馬廷用荆茂劉機李經謝文張芮倪進賢楊
廷和楊時暢武衛十九人爲庶吉士命學士王獻謝一
夔教習

二十三年選進士程楷蔣冕屈伸袁達黃穆傅珪萬弘璧
倪阜華巒吳儼李漢仲裴羅玘蘇癸鄭炤歐陽鵬伍符
翁健之李遜鄒智石珪李克嗣唐希介蔡杲毛紀劉丙
任儀閻价楊廉潘楷三十人爲庶吉士命庶子汪諧諭
德傳瀚教習

弘治六年四月大學士徐溥等言比給事中徐旦建議欲
選新進士改庶吉士入翰林讀書惟庶吉士之選自永
樂二年以來或間科一選或連科屢選或數科不選或
合三科同選初無定限或內閣自選或禮部選送或會
吏部同選或限年歲或拘地方或採譽望或就卷中查

出或別出題考試亦無定制然而或選或否則有才者未必皆選而所選者未必皆才若更拘於地方年歲則是已成之才或棄而不用而所教者又未必皆有成請自今以後立爲定制一次開科一次選用每科不必多選所選不過二十人每選不必多留所留不過三五輩如此則將來成就必有足賴者 上納之命今後內閣仍同吏禮二部考選

是進士顧清趙士賢蕭柯沈燾曹瓊吳一鵬汪俊周玉黃瀾胡燿王縝任良弼吳舜許天錫薛格陳玉陳陽王崇文十八人爲庶吉士命學士傅瀚李東陽教習

九年選進士顧潛陳鳳梧濮韶胡獻張紹齡陳霽楊禔華德賈詠汪偉王崇獻王九思張弘玉徐忱陳琳戴銑陶諸劉瑞十八人爲庶吉士命少詹張昇侍讀王鏊教習十五年選進士周煜魯鐸薛金溫仁和滕霄李時趙永李貫畢濟川何塘張禮李元吉周禎王廷相顧燁潘希曾盛燮叻朱袞王萱十九人爲庶吉士學士梁儲王華教習

十八年選進士崔銑嚴嵩湛若水倪宗正陸深翟鑿邵天和徐縉張九敘蔡潮林文迪安邦段炅蔡天祐胡鐸高方馬卿劉寓生安磐穆孔暉李艾王韋趙中道黃如金

閔楷傅元孫紹先易舒誥方獻夫張邦奇三十人爲庶吉士命張元禎劉機教習

正德六年選進士許承名劉棟張璧應良黃臣尹襄劉朴許復禮費宗王道張潮祝續王思孫承恩徐之鸞劉泉林文俊孫紹祖戴顓吳惠金臯劉夔郭維藩田荆張猗王元正陳寰劉濟張衍慶洗尚文邊憲張鰲山俞敦二十三人爲庶吉士以詹事靳貴侍讀學士蔣冕教習

十二年選進士汪鈿余承勛黃易江暉王廷陳江應軫劉世盛曹懷儲昱葉桂章葉式馬汝驥汪思王三錫史于光陳沂鄺顯史道劉穆楊士雲張星廖得蕭與成林時

鄭自璧劉世揚曹嘉閻閔季方湯惟學黎貫席春王邦瑞許宗魯三十四人爲庶吉士命禮部尚書毛紀詹事顧清教習

十六年選進士廖道南江汝璧詹泮鄭一鵬童承敘黃佐趙廷瑞張達杜桐葛鳴張治張袞王同祖李裕倫以諒盧煥王用賓陳講李默李春芳吳文之董中言丁汝夔二十三人爲庶吉士以禮部尚書劉春侍講學士劉龍教習時大學士楊廷和主選遂以濮議試題希旨者多入選

嘉靖五年禮部尚書席書言國朝選庶吉士讀中秘書始

自永樂初後掄取無定科考校亦無定制弘治間大學士徐溥丘濬始議每科一選不限地方歲年以爲定式迨選取第勿逾二十人可也 上從其言

選進士陸粲袁袞趙時春林雲同金潞張鰲連鑛詹澐華察屠應峻毛渠王宣王嘉賓鄺汴郭秉聰張渠余棐江以潮楊恂李元陽王格張鐸二十二人爲庶吉士

六年十一月 上諭內閣庶吉士不須教養並除遣之大學士楊一清請照常例留三五輩在翰林及選科道等官張璠奏言臣觀此輩心切奔競口尚乳臭固不應處之翰林而科道言官又豈少不更事者宜居之况舊例

教養三年成畢方得改授 皇上旣以此輩不堪教養蚤爲除遣是欲退之矣而內閣反進之何歟宜查照甲第除授部屬知縣等官如此則將來心無營求倖徼者矣 上曰一清循泥事例待從容諭伊省悟朕於輔臣之言難便拒違况彼云不可改祖宗之法若有旨將庶吉士裁革便可說朕擅改嗚呼差矣已吏部奏陸粲給事中王宣御史王加賓鄺汴華察林雲同張鰲屠應峻袁袞趙時春郭秉聰張渠俱主事余棐江以潮楊恂俱評事李元陽王格張鐸連鄺俱知縣

八年大學士楊一清等奉旨考選庶吉士以唐順之任瀚

陳東三人廷試策爲上所批獎卽以爲冠而續取胡經等二十人上請上畱順之等一體除用因曰庶吉士乃太宗之制在當時良善邇來大臣徇私市恩無益國用此後不必選畱但有學行卓異者吏部奏訪以備擢用尚書方獻夫上言館閣乃儲材之地賢相名臣多出其間邇年畱選不能盡公誠如聖諭所云吏部訪收信得其要但翰林院原設侍讀侍講各二員修撰三員編修檢討各四員邇年太濫講讀修撰至十五六人編修檢討至二三十人或一官全缺亦非經制宜于原設額數量增數員除一甲三人銓補外聽吏部照缺

推補編修檢討於主事御史給事中評事中和舍行人博士助教推官知縣學官進士內訪補講讀修撰於郎中員外都左右給事中寺正寺副大僕光祿丞同知知州通判內訪補其學士庶子諭德贊善洗馬等官亦論資序遷勿分內外庶事體畫一經久可行上從之自是盡逐舊官而多置陰厚矣

十一年九月大學士方獻夫奏稱翰林春坊員缺欲令吏部訪補而李時亦請部院各薦僚屬禮部尚書夏言因言近年以來以翰林而改他官以他官而改翰林出者不厭其多而且一往不復入者每病其少而又且以不

稱斥去甚至以一甲例當銓授者亦復出之又有不時考察之法以盡出之蓄養未聞摧折太過而庶吉士之選遂格而不舉者今兩科矣翰苑乏人患正坐此宜煩聖慮求之薦舉也若爲國遠圖求賢良法則莫若仍遵文皇帝成憲復庶吉士之選而已今年進士未選授者尚不下二百人乞勅考選仍著爲令庶材館可克而將來輔相之賢將有人以副皇上之望矣 上嘉而行之

十月 上命李時等於新進士未選者年三十而下悉令就試取二十一人時等選取錢亮許樾閔如霖衛元確段承恩韓最扈永通呂光詢謝九儀劉光文黃猷可劉

士達劉君唐閻樸胡守中錢藉王梅雷禮邊泮李大魁郭希顏等以聞 上閱卷見彌封姓名疑有私遂報罷編修程文德請 上親試文華殿閱卷大臣校畢惟一上裁定得旨朕旣委輔臣及吏部禮部大臣又何以親臨於是時等復奉旨覆考進士呂懷范瑟錢亮黃應中秦鳴夏邊侁閔如霖王珩衛元確浦應麟游居敬趙汝濂劉思唐閻樸胡守中李本趙維垣何城王梅李大魁郭希賢等奏改庶吉士從之以吏部侍郎顧鼎臣教習十四年四月 上召見輔臣曰今年選庶吉士止用一人教習李時曰此須重有德行者不必專重文字 上曰

有德行者方可為人師範文章未藝耳時因薦學士蔡昂
 上問前顧鼎臣教習何如曰老成停當及請選庶吉士
 上御文華殿親試之取李璣趙貞吉敖銳郭朴駱文盛尹臺康太和沈翰歐陽暎王立道嵇世臣鄭一
 統胡汝霖林廷機高時黃廷用奚良輔汪集郭鑿沈良才陳東光王維楨張緒李秦何維柏盧宗哲全元立趙繼本任瀛彭鳳三十人陞顧鼎臣禮部尚書同吏部侍郎張邦奇教習

二十年選進士高儀董份嚴訥高拱梁銘儒熊鼎臣晁堞林樹聲陳陞裴宇陳以勤王才徐養正潘仲驂楊宗氣
 王顯忠何雲鳳張鐸王交徐南金曹汴林懋和王三聘王言何光裕萬士和葉鏗夏子開吳三樂呂時中王應鍾彭世爵三十二人為庶吉士以禮部尚書溫仁和吏部侍郎張潮教習

二十六年命選庶吉士於東閣 上親題文曰原心詩曰善為寶取孫世芳張思靜汪鏗朱大韶亢思謙胡杰毛起張居正殷士儋林爍馬一龍熊勉學謝登之藍壁黎澄李敏劉涇趙鏗劉錫任士憑任有齡蔡文陳一松馬三才孫哀莫如士二十六人為庶吉士命吏部侍郎張沿徐階教習續命吏部侍郎歐陽德林

三十二年選進士張四維王希烈姜寶萬浩南孫鋌吳可
行梁夢龍孫應鰲晁東吳張九功馮葉陸泰馬自強李
貴趙祖鵬呂旻方萬有吳汝嘉徐思曾王文炳姚弘謨
張翼言王學顏郭敬言李蓂蔣焯王詠二十八人爲庶
吉士命吏部侍郎程文德禮部侍郎閔如霖教習

四十一年詔罷今年考選庶吉士是時仕路混濁賄賂公
行庶吉士素號清選至是亦競以賄營求貧者稱貸爲
資有持券入貸於司禮太監黃錦者錦密以聞 上聞
而惡之時閣臣已取定進士百五十餘人赴東閣考選
方立陛前候題忽傳旨報罷雖閣臣亦不知焉

四十三年十月御史李文績言翰林職親禁地大用所儲
今選館報罷者再矣明年會試乞下輔臣舉行仍望精
選而廣收之如考中入館者有不稱不妨外補在外者
有真才不妨改用期於得人而已吏部言翰林院從別
衙門改補事體未便不若就新進士從公考選從之

四十四年五月給事中張岳奏庶吉士之選所以儲養人
材而備他日重大之任歷科來覬覦者多故 皇上臨
選報罷者再矣今倖門旣塞賢路方開宜議爲定制每
科取選每選不過三十人每畱不過四五輩限年四十
之內減年冒進者黜之所試文字以純正典雅尚鈎棘

靡麗者去之又諮訪以求其德行過堂以驗其容止慎
飭關防以嚴考試精選賢良以端師範隨材授任以稱
器使庶諸士有砥礪之益而國家收得人之效也從之
選進士許國陳懿德戴洵沈淵周子義嚴用和韓楫楊允
中吳學詩李存文王湘沈鯉張秩高啓愚何洛文陳思
育陳行健林偕春陳經邦王嘉言鍾繼英李良臣管大
勳成憲王弘詢麻永吉王璽楊一桂二十人爲庶吉士
以吏部侍郎高儀教習尋遷官命禮部侍郎陳以勤代
隆慶二年選進士徐顯卿陳于陞張一桂沈一貫李長春
韓世能賈三近王家屏沈位田一儁朱賡沈懋孝張位

李熙林景暘徐秋鶚張道明邵陞何維椅李維楨郭葦
王喬桂劉東星于慎行范謙張書李學一習孔教劉應
麒鄭國仕三十人爲庶吉士命吏部侍郎陸樹聲教習
五年選進士趙用賢王祖嫡史鈞趙鵬程何汝成黃洪憲
劉虞夔蕭崇業趙參魯漆彬張應元吳中行孫訓石應
岳張程秦耀公家臣王懋德劉楚先劉克正劉元震趙
耀李盛春王守誠宋范宋儒孫成名劉諧熊敦朴盛訥
三十人爲庶吉士同修撰張元忭編修劉城鄧以讚送
翰林院讀書自嘉靖壬戌後進士及第者不復入館肄
業至是始復故事云命侍郎呂調陽高儀教習

擊李益春王守端宋英宋需蘇如各隱蓄黨媒休益陪
 岳親封秦縣公宋王懋懋隱鼓武隱京五隱云實鼓
 隱真藥蕭崇業鼓參曾參淋藥飄云吳史云蘇暗不親
 正平與鼓士鼓用寶王所敵也隱鼓飄鼓封武如黃共憲
 地漢國封三十人為無吉士命吏暗封波劉樹繼發督
 王喬封隱東星干封行鼓精鼓善李學光晉其終隱親
 李恩林景恩余派隱鼓隱親劉樹繼李繼發張林

國朝典彙卷六十六

都察院右僉都御史 臣徐學聚 編輯

吏部 三十三

鴻臚寺

洪武三十年正月改儀禮司為鴻臚寺以儀禮司正房顯
 為寺卿吏工二科都給事中仲牧劉繼宗為少卿翰林
 典籍為寺丞

建文四年九月靖難後以前任湖廣左叅議楊砥為鴻臚
 寺卿以砥在建文中請敦親恩罷兵息民故用之



永樂十年四月以鴻臚寺丞許廓為工部右侍郎

二十二年九月 仁宗以鴻臚寺丞楊善為本寺卿諭之

曰朕初即位凡吏部賢否民情休戚皆欲聞之而四方

之遠無由進達自今方岳大臣來朝引見朕親問之庶

幾以悉下情

正統十四年以楊善為都御史掌鴻臚寺事

成化八年以施純為禮部尚書掌鴻臚寺事時 上病舌

澁朝臣讀奏荅旨多以是字而猶弗便純請以照例二

字代之 上喜擢尚書時號兩字尚書二十年加太子

少保

年以楊宣為禮部左侍郎掌鴻臚寺事宣新城人景泰

甲戌進士立朝有救劉千斤餘黨誣陷疏劾曹石橫逆

疏 上僉嘉之朝野赫赫有聲

二十三年七月鴻臚寺丞孫繩宣讀有誤為御史所劾

上宥之且日鴻臚寺官宣讀無大失者後勿劾

弘治十二年三月以賈斌為禮部尚書掌鴻臚寺

嘉靖三年五月鴻臚寺少卿胡侍謫潞州判官

十六年鴻臚寺卿周文興致仕文興江山人登進士即疏

疾乞歸讀書於江郎山中者八年部檄起為刑部主事

屢起屢退廟堂重其恬泊踰次遷列卿文興夙講理學

而通攝養能百日不食試以木椎擊顛骨不作痛楚預知死期以刺徧別所知而後屬續壽八十二

[Faded bleed-through text from the reverse side of the page]

國朝典彙卷六十七

都察院右僉都御史臣徐學聚 編輯

吏部 三十四

尚寶司

國初置尚寶司職在禁廷守寶璽符牌印章而辨其所用有事請於內既事奉而藏之

按御寶舊製十七顆曰 皇帝奉天之寶以鎮萬國祀天地用之曰 皇帝之寶以冊封賜勞用之曰 皇帝行寶以 用之曰 皇帝信寶以徵召軍旅用

之曰 天子之寶以祭享鬼神用之曰 天子行寶以
封賜夷蠻用之曰 天子信寶以調發番兵用之曰制
誥之寶以識誥命用之曰勅命之寶以識勅命用之曰
廣運之寶以識黃選勘籍用之曰御前之寶以進御座
從車駕用之曰 皇帝尊親之寶以答賜宗人用之曰
皇帝親親之寶 永樂四年製 以 用之曰敬天勤民
之寶以訓迪有司用之曰表章經史之寶以
用之曰欽文之璽以 用之凡用寶捧寶從寶
洗寶尚寶司官與印綬監內官俱

尚寶司所掌凡扈守侍衛令牌之號六曰申曰木曰火

曰土曰金曰水以警夜巡金牌之號五曰仁曰義曰禮
曰智曰信以嚴守衛凡半字銅符之號四曰承曰東曰
西曰北巡者左半守者右半合契而從事焉凡銅牌之
號一曰勇以稽衛卒凡雙魚銅牌之號二曰嚴以肅直
衛曰善以潔祀壇凡符驗之號五曰馬曰水曰達曰通
曰信以給傳郵通制命牙牌之號五曰勳曰親曰文曰
武曰樂以察朝參祭牌之號三曰陪曰供曰執以謹祀
事凡陪郊廟者帶之
洪武元年有賈胡浮海以美玉至製大明傳國之寶并置
玉圭一

二年置一小玉璽曰奉天執中

四年正月製玉圖記俱蟠龍爲紐其一方一寸五分文曰廣運之記其一方一寸二分賜中宮文曰厚載之記其一方一寸二分高一寸六分賜皇太子文曰大本堂記

六月詔定武臣金銀牌制 上親制文給之曰上天祐民

朕乃率撫威加華夷實憑虎臣錫爾金符永傳後嗣

八月改制用寶金牌二副 詳奏事

十一年三月始製牙牌給文武朝臣

十五年四月以散騎散人耿瑄爲尚寶司卿

十六年九月磨勘司奏增朝官牙牌律詔從之

二十五年九月山東監生周敬心言陛下連年遠征臣民萬口一詞皆知爲恥不得傳國寶欲取之耳臣聞傳國寶出自戰國楚平王以卞和所得玉琢之秦始皇秘之名曰御璽歷代珍之遂有是名易曰聖人之大寶曰位何以守位曰仁是知仁乃人君之寶玉璽非寶也且戰國之時趙先有是寶而國不守五代之君皆得寶皆不旋踵而亡蓋徒知玉璽之爲寶而不知仁義之爲寶故也天下治安享國長久者莫如三代三代之時未有玉璽是知有天下者在仁義而不在此璽亦明矣今爲取寶使兵革數動軍民困苦是忽真正之大寶而易無用

之小寶也。上頗納其言北征之議稍息。實而無厭。二十八年八月詔更定。皇太子親王封冊寶之制。建文二年二月以黃觀爲禮部侍中掌尚寶司事。三年正月凝命神寶成寶方一尺六寸九分。上親定其文曰天命明德表正萬方精一執中宇宙永昌先是。上在儲位嘗夢神人致上帝命授以重寶元年使者還自西方得青玉於雪山方踰二尺質理溫栗二年正月。上郊祀宿齋宮夕夢若有覩乃驚寤命玉人琢爲大璽。十二月王成名凝命神寶至是以告天地祖宗爲文宣示遐邇百官稱賀大宴於奉天門頒賞四夷朝使。

永樂十一年三月命庶子楊榮兼掌尚寶司事凡號令與傳宣之事勅旨旗牌非榮奏允不敢發。

正統元年九月尚書胡濙自劾不謹失行在禮部之印上不問爲更造之改其文曰行禮部印。

天順勅匠人錢善等六人於內府鑄印盜銀十兩分之事覺俱命斬於市。

成化三年三月廣西陸川縣印爲流賊所劫知縣謝堅以聞禮部請益舊文曰陸川縣之印鑄給從之。

九年八月尚寶司卿楊導言本司官雖經考績止陞本司吏部拘於近侍一槩循例不復舉用人材淹滯無以自

國朝典彙卷六十七 尚寶司
四
効乞令所司照諸近侍循例推舉吏部覆奏以爲難從
上曰古之王者立賢無方尚寶司官果有才堪政事者
不宜使之終老是職吏部其視諸司例舉用之

二十一年尚寶司丞許瀚道遇太監鄧才護不之避爲其
從人持杖擊之碎瀚所懸牙牌奏聞才護并從人及瀚
俱下錦衣衛獄才護送司禮監發落瀚亦杖三十釋之

弘治十三年七月陝西都指揮使楊敬等奏據西安府鄆
縣軍人毛志學等狀六月二十二日午時在本里趙倫
村泥河水邊澡浴得一玉璽篆文繫是受命於天旣壽
永昌八字背有螭紐其色鮮白光彩異常厚一寸連紐

高二寸方圍一尺四寸角完全篆文明朗刻劃奇古純
無瑕玷巡撫熊紳會驗此卽歷代傳國璽也差官賈進
禮部尚書傅瀚言史傳諸書考之形制篆刻皆不類其
爲贗作無疑卽使非贗人主受命在德不在璽自前世
以秦璽爲寶得之者君臣動色相度我 太祖以聖德
受命制一代之璽傳之聖子神孫壽昌之祿萬世無極
何藉於彼哉 上乃以其璽屬庫藏之

十六年河南府大雨衝壞墻垣下有甄池內藏古銅印三
百顆本府官以聞事下禮部令鑄印官辨驗有識與定
二年者至順至元至正年者因言至順至元至正俱元

國朝典彙卷之二十一
文宗以後年號龍鳳興定又元末僞主宋年號益元政
不綱羣雄角逐或掠得元時有司之印或僭竊之徒假
元年號而私造之僞相署以號令其黨事敗而遁潛瘞
於此者命悉毀之以備別用

正德六年九月禮部尚書費宏奏鑄印局於食糧二名之
外預處聽缺四人習字四人著爲令 按鑄印局額設
大使副使各一員食糧儒士二名及滿將補投考者不
下數人請托者半之當事者每難於處分故宏奏此擬
數十年內凡投考及請托者皆絕

十二月優人臧賢者有寵能軒輊榮辱人縉紳或趨附之
因請改牙牌製如印文爲方者吏部侍郎傅珪不可召
老優更事者詰曰爾優敢亂法爾寵可常保否果爲此
爾禍無旣矣優乃戢而聽命

十六年九月禮科都給事中邢寰奏牙牌惟常朝職官得
以懸帶正德以來權奸竊柄官以傳乞而陞牌以資緣
而得乞賜清查以重名器得旨文職不朝叅者不得濫
給牙牌武官進衙侍班佩刀執金爐者照舊給與

嘉靖八年鑄印局儒士諸應瑞奏天下文移印篆多舛如
沔陽州沔字差訛篆爲泛字如此類者未可枚舉乞勅
禮部擇委屬官精通六書者提督考正 上嘉應瑞能

查舉差訛畱心本業命禮部專委主事一員提督本局
十八年新製御寶七顆曰奉天承運大明天子寶曰大明
受命之寶曰巡狩天下之寶曰垂訓之寶曰命德之寶
曰討罪安民之寶曰勅正萬民之寶
二十六年正月中城旗守衛地方掘得牙牌四面一東寧
伯一彰武伯一永順伯一燕山左衛指揮僉事至是都
察院叅論尚寶卿席中等防範不嚴以致盜遺在外請
量加罰治詔各奪俸一月仍令查明開奏

四十五年七月 上諭內閣曰 皇祖初制御寶曰天子
之信皇帝之信行止存一其五正德甲戌火失之茲西
夷有玉可示戶部賈盈尺之料補製戶部奉詔索之
胡得及格者三以進詔姑畱用價於官用銀內支給仍
照玉行收買兼移文禮部令宣諭西夷再至携巨材以
入當以高價酬之

十月戶禮二部進綠玉盈尺者三 上發價銀七千兩給
之仍命購白漿色碧二色玉以進初戶部既進三玉
上以示輔臣徐階謂不中作實用令召禮部尚書高儀
觀之別覓佳者儀請戶部多方訪買至是復進

戶禮部既進玉 上意未愜召戶部尚書高燿諭曰 祖
制五寶用料三塊玉皆不堪全無光澤須得美料西夷

貢玉以無價償多非其美者今若以重價訪購其上品
當可得聞復以大小珠式一函及甘黃玉刀鋏一具示
燿令求珠玉如式至是且兩月 上意遲之復諭燿曰
金玉珠寶古今常有王侯至廣非不徑乏爾職當思自
盡無徒遠嫉怨爲避害計 祖宗時內藏之積至弘治
年盡矣然非 孝宗自用今無一二其多方搜覓并買
黃金四千兩進用金價於欽取銀兩內給之燿懼乃以
先覓得大小珠四等共一千五百餘粒以進 上以未
足原旨所取之數且無甘黃玉疑司帑恡費不以時給
值故民間鮮有售者仍命燿亟如數購進毋緩

終

國朝典彙卷六十八

都察院右僉都御史臣徐學聚 編輯

吏部 三十五

六科

甲辰三月置起居注給事中
上御戟門省臣以所定官制班次圖進 上覽畢因論及
選諫議之官曰論道經邦輔弼之臣折衝禦侮將帥之
職論思獻納侍從之任激濁揚清臺察之司數者朝廷
之要職也至於繩愆糾繆拾遺補過諫諍之臣尤難其

國朝典彙卷六十八
六科
人抗直者或過於矯激異懦者又無所建明必國爾忘家公爾忘身方可任之不然患得患失之徒將何所也
洪武六年九月設六科給事凡八十一人從七品
十三年七月置諫院官以唐鐸爲諫議大夫
二十二年三月初上以給事中數符元士改爲元士至是又曰六科政事本源又改爲士源以給事中魏敏卓敬等八十一人爲之未幾復爲給事中

二十三年二月上以六科給事中記旨意增減失實覆軍籍奏對不明俱繫獄適給事中彭與民父九霄來朝陳情乞告災肆赦屈法伸恩俾磨礪歲年萬一上憫

其情宥之於是同犯者十七人皆獲免

二十四年四月更定六科官制

詳官制

三十年四月陞刑科給事中張思恭爲刑部右侍郎人有暮夜以金遺思恭者思恭却不受其人委金而去詰旦思恭言於朝上善其有守遂陞其官仍以其金賜之
建文中清遠衛軍羅義上疏請燕王講和下獄太宗下京師卽日破械出之拜戶科給事中明年遷左叅議永樂元年九月高唐州民王政建言治道擢刑科給事中
以長史司吏楊勉爲給事中後遷都給事中
十一月先是上欲聞民間疾苦諭吏部尚書蹇義等凡

郡縣官考滿至京選其識達治體知恤民者於六科辦事令各言所治郡縣事至是尚未有言者乃召六科都給事中朱原真等諭曰朕夙夜慮天下之民有失所者爲爾曹未能盡知故選郡縣考滿官假辦事之名俾隨六科爾等在朕左右如朕所欲問即可知彼有所欲言即可達而至今不聞有一人言夫郡邑之間豈都無一事利害可言今在朕左右尚猶默默况遠千里尚肯言乎爾等退以朕意申諭之其所治何利當興何弊當去皆直言勿隱於今不言將有他人言之則不能逃罪矣

二年四月 上御奉天門召六科給事中諭曰朕日臨百

官可否庶務或有失中爾等宜直言無隱又顧解縉等曰敢爲之臣易求敢言之臣難得敢爲者強於已敢言者強於君所以王魏之風世不多見欲使進言者無所畏聽言者無所忤天下何患不治朕與爾等勉之

吏科給事中孫燾密奏前日禮部所定八人頒詔外國皆素非誠實者時已行二日 上曰此非專出禮部定吏部亦言其可使故從之爾在吏科與聞銓注之事彼既不誠則未行之先當言何必俟之既去乃言夫人性皆善有不善者習使之也亦在人主用之如何如叔孫通在秦則僞在漢則誠裴矩在隋則佞在唐則忠本是一

人但在人主能用與不能用爾適爾所言慎勿泄也

上御奉天門召六科給事中諭曰朕君臨天下夙夜拳拳惟欲君民老少皆安爾等職居近侍比來皆不聞一言及於軍民利病何也可退而思之條析以聞朕將審擇行之又曰天立君以養民君不恤民是不敬天君資臣以成治臣不輔治是不忠君朕與爾等皆不可不勉三年七月以御史文郁不諳刑名改爲工科給事中既又改御史汪俊民爲刑科給事中

七年禮科給事中張益者上臨朝羣臣奏對多失序益代陳奏事明辨稱旨特呼爲響張以示寵渥後刑部都察院凡有所逮罪囚皆令禮科引奏益自益始

八年五月南京吏科給事中陶瑋奏其鄉一工匠不赴公役而私賈於外監國曰爾以是爲忠耶朝廷置六科雖以考察奏牘防閑欺蔽亦欲聞政事之闕失下人之休戚今朝廷政事兵民休戚豈無當言者皆未聞汝言而瑋及此豈汝嘗有私憾乎命刑部召匠訊之刑部還言匠已役滿將歸暫賈以給路費其家居與瑋鄰素有私忿蓋誣之遂下瑋獄

九年三月給事中張昭鄭傑周岐俊坐事俱謫交趾克吏十年十二月擢監生劉端爲戶科給事中專掌北京皇城

門勘合

擢庶吉士劉狷爲禮科給事中同吏科給事中張瑛國子監學錄侍皇太子讀書

十四年御史俞位等劾給事中丁珏不敬等罪上曰朕素疑其奸邪若悉行所言左右無一人得全者豈可以玷朝行遂謫戍邊按珏山陽人素無行不爲鄉里所齒珏積不平值里社賽遂誣告里人聚衆爲妖言坐死者數十人法司言珏忠直有才以爲給事中恒伺察人小過輒以上聞人皆側目因肆貪黷放濫無恥及母喪未期起復輒同衆人大祀齋宮復與慶成宴爲御史所劾逮至行在法司論以大不敬謫戍中外快之

十六年擢吏科都給事中陳諤爲順天府尹諤廣東番禺人舉於鄉初拜刑科給事中遇事剛果彈劾不避權要奏事聲響甚大聽者悚然上令餓之數日奏對如前乃曰是天生也每見呼爲大聲秀才云嘗以直諫觸禁上大怒命爲坎瘞之露其頂數日不死遂釋還職尋陞吏科都給事中一日率同列奏事忤旨落職使修葺象房同事者先畢工降職去諤貧不能倩人乃躬自爲之值駕至問治屋者誰也諤前俯伏陳其故上念諤顛且憫其貧命復官癸巳春命署通政司事逾年署應天

府未幾又署刑部丙申夏又移署鴻臚寺明年冬又改署工部所至具有聲績至是陞順天府尹政尚嚴明有漢張趙風無何竟坐事出爲湖廣按察使復貶知海鹽縣終鎮江府同知謬爲人剛介然賦性恢譎當被瘞時歎息謂其人曰吾今日乃爲火斃所苦問其故則罵之曰咄嗟汝不知耶朝廷瘞人當以甕令速死耳瘞者如其言遂得屈伸不死云

二十六年八月黜兵科給事中劉穆李文殊劉秉李實張敏林道安等俱爲縣丞初穆等以戢事不謹皆得罪至是遇赦上以大科密邇之地所係非輕悉黜以示懲

九月復吳夔工科都給事中初仁宗爲世子數奉命點閱皇城守衛軍士皆彝侍從敬謹慎密彝後陞河南僉事坐累謫屯戍上恒念之至是復其初職

以吏科等科給事中李謙吳廷用胡廣爲山西等處僉事蕭奇商賓鄭果等三十五人爲各處知州知縣時有上言在外之職宜以風憲官爲之庶幾得人故有是命旣而廷用陞辭奏乞歸省親上曰爾居侍從幾二十年謹厚小心且宜在朕左右命爲刑部右侍郎而令歸省因命胡廣李謙亦畱隨朝

十月命國子監簡浙江江西福建廣東生有文學者六十

人於翰林院考得劉瑄等二十人分置六科日隨給事中朝叅歷事

十二月授試事六科監生吳信等二十人皆爲給事中

洪熙元年二月兵科給事中劉煥奉命鎮交趾不候代謫克交趾吏

九月初漢中訓導李蕃上端本策上嘉之命召至至是

始至以爲行在兵科給事中宣宗諭之曰古之人用其言則顯其身朕嘉爾故擢此職夙夜匪懈進思盡忠爾尚益加勉

宣德二年七月時中宮奏旨傳之六科輒令徑行諸司

上聞之卽下法司治因諭給事中曰爾官近侍職在紀注凡朕一言一令或令內使傳出者爾當備錄覆奏再得旨而後可行庶幾關防欺蔽不然必有詐僞者爾等自今恪謹乃職不許依阿隨附

四年八月上諭六科給事中曰朝廷置給事中所以出納命令封駁章奏朝政闕失民情休戚皆得言之非他職比也朕嗣承大統期於庶政脩和爾等尚思委任之重夙夜在公庶幾朝無失政官無廢事不惟國家有賴爾亦有聞於後矣其懋勉之

六年十一月降刑科給事中李芳爲海鹽縣丞上每退

朝御便殿與大臣議事芳直前言洪武中百官朝退凡大臣奏事必給事二人與俱所以防弊上顧謂待臣曰芳言是芳退輒自矜每見百司所爲事少不如意卽詣上前言之衆皆側目上亦惡其訐故有是命正統二年八月兵科給事中金昭伯戶科給事中吳繪俱以廷試明經儒士昭伯爲所親厚繪得儒士金闌入午門代爲文昭伯未屬藁而發法司擬杖贖罷爲民繪已屬藁法司擬絞贖特用大枷枷示於長安門外一月謫遼東克軍

十年上謂吏部尚書王直等曰給事中以封駁糾劾爲職不徒侍從而已故居是職非得行檢莊飭才識優長儀貌豐偉語言端正者其曷克稱今後務慎其選毋視常輕昇庶言職得人有所裨於治

十二年五月吏科給事中張固言六科都左右給事中多缺員乞選各科年深者以次陞補上謂吏部曰給事中乃近侍之官凡朝廷政令得失軍民休戚百官邪慝舉得言之况都左右給事中爲之領袖非識達大體者不可昇也固乃欲循資而用之不亦泛乎

景泰三年令都給事中坐都御史上

四年五月左遷吏科都給事中林聰爲國子學正先是廷

議迎駕惟一車二馬足矣聰爲刑科言 上皇北狩與
陛下迎鑾皆社稷綱常大計宜厚無他日悔及議易儲
聰首言 皇太子無過不可易憤激不肯署名雖竟不
能沮而人諒其忠改右司直郎商輅薦爲吏科都給事
中凡吏部選法或私有徇者輒指斥改易至屢疏劾之
必置諸理而後已又屢糾劾諸當事大臣益多衆忌遂
嗾御史王溥劾聰挾持吏部甥選敎官得善近地下廷
議文致其罪坐比擅選法死 禮部尚書胡澐稱病不
肯署連名奏贖 上遣中使問澐對曰老臣本無病聞
欲殺林聰殊驚悸遂病 上立解聰左遷國子學正

按是時王文威權赫奕忤者必死聰獨上章劾之文
之日求其罪不得也會聰鄉人有事吏部應管聰爲屬
文選郎中郎中出其手書文欲置之死會官廷議比擬
大臣專擅選官律廷臣畏文無敢違者胡澐曰給事七
品官而擬大臣囑微事而擬選法二者於律合乎且人
臣以宿憾而欲殺諫官無乃不可乎遂拂衣出曰此疏
吾不預公等自爲之於是議遂罷澐歸遂臥病云云
天順元年四月右都御史耿九疇奏子裕爲給事中同居
要地非宜命改裕爲翰林檢討

成化五年正月刑科給事中蕭彥莊劾奏不實降四川永

寧驛丞未幾署大寧縣事科罰過重為怨家所殺
十五年五月內官奉旨宣諭六科十三道曰牟俸職居風
紀大肆貪婪馬文升撫按無方用致邊患科道官互相
容隱職不言可自陳狀於是給事中李俊等二十七
人以劾劄濬等二十九人合詞請罪詔廷杖人各二十
時官所請不以罪俸職證未明俊等莫有論列及承詰
責引裏不敢辨明冀以異辭獲免竟被杖云

舊制選舉中外陞必方面知府無府州佐貳者十七年五
月科都給事中張鐸兵科給事中蕭顯因言事忤旨
遂是希意陞鐸為漢陽府通判顯為鎮寧州同知時鎮
寧州無同知特添設以授之

二十年十二月命耀州判官張善為兵科都給事中善初
為給事中調外任久之不遷遂以方術托太監高英轉
聞於上因得召見且訴被累屈滯之狀甚哀遂有是
命士人恥之

弘治元年九月以戶科都給事中陳壽為大理寺丞壽在
戶科奉勅閱視宣大邊防劾去鎮守中官之不法者
巡牧馬草場中貴有恃內庇侵尅者壽請置之法時貴
妃萬氏專寵後宮兄弟勢撼京師中官梁芳輩結妖僧
繼曉干撓國是壽疏論之被逮繫詔獄尋得釋上

極上封事指斥貴近無所避忌及遷大理爲忌者所行
摘王恕嘗疏辯之稱其正色敢言大學士劉吉擬旨謂
南京光祿少卿

按壽爲諫官直論時政得失無隱不喜彈劾人曰吾父
戒我勿作刑官枉人若言官枉人尤甚吾不敢妄言

舊制六科行移通政司俱用呈文弘治時南通政徐說
欲媚科臣始用手本繼說者爲通叅夏崇文欲復舊制
南科囂然劾之而北科亦爲助駁 上洞知其情竟不
究其事

正德元年十二月

詔逮南京六科下錦衣獄

嘉靖元年命戶科給事中汪應軫復原職初應軫爲庶吉
士諫止南巡罰跪午門外奪俸半年比受官吏部擬給
事中仍以前事出知泗州至是奉詔取還故有是命
二年給事中張原言 祖宗寄耳目於言官風聞有論撫
拾有禁所以防壅蔽之患開忠益之門今被劾者率具
詞奏辯審究窮追甚乃迭相排毀輒肆反噬庶僚同於
聚訟朝廷爲之多事損傷國體非所以示法導下也臣
實不職甘受人言請先罷黜 上曰朝廷設置言官正
欲扶善抑惡糾枉表忠今後諸臣務公平正大協和趨
事以敦雍睦之風原供職如故

六年給事中杜桐自以久疾疏乞改南京吏部擬改南京
刑科 上曰南科亦要職也桐亦病久何得擬改除姑
不究會桐考察以有疾致仕

南京吏科給事中彭汝實嘗應詔舉貢士高任說王表自
代因乞改近地教職以便養親不報至是考滿復申前
請吏部言汝實倡言鼓衆撓亂大體且與御史方鳳程
啟克朋黨通賄贓至累干自知考察不容乃復辭尊居
卑不當聽其巧詞幸免得旨汝實革職閑住

九年給事中薛甲言事中多阿媚語給事中饒秀劾甲阿
附大臣反噬羣僚其曰劉永昌武夫也豈可以劾冢宰

斥之科臣悉奪俸云

四十二年兵科都給事中丘樞條上蘇州防守事宜 上
怒兵科以糾論兵機爲職楊選等失機重大不行論劾
只以泛陳事宜塞責著錦衣衛廷杖六十革職爲民

隆慶六年二月刑科左給事中宣東光以言事狂悖不爲
公論所容所論亦竟報罷東光益怏怏遂發狂疾走入
會極門大呼同官奏東光疾作請令回籍調治 上特
命冠帶閑住

吏科都給事中韓楫奏六科封駁所關其任用貴久而考
覈當嚴自今都給事中員缺當以年深給事中左右給

事申歷俸三年者爲之其未及三年而遇缺推用者已後給由請自入科之日爲始不拘品級通將前後實歷考定去畱章下所司知之時科臣多不滿一考報遷以不得恩典爲憾楫意欲爲科臣陳乞者地乃託久任嚴覈之名特請破例通考以遂其私

國朝典彙卷六十九

都察院右僉都御史臣徐學聚 編輯

吏部 三十六

中書科

國初置中書舍人建文中改侍書入文翰館靖難後復故按中書舍人書誥勅冊符鐵券凡草請翰林院寶請諸內府左券寶籍歸諸古今通集庫

永樂十四年十二月陞中書舍人沈粲爲翰林院修撰洪熙元年擢解禎期爲中書舍人禎期前翰林學士縉之

從子縉坐事下獄籍其家產徙邊至是召還以禎期嘗
工書故擢用之

景泰二年十月調中書舍人何觀於外任 詳建言

天順年以夏衡為太常卿仍掌中書科衡華亭人以善

楷書薦入中書 太宗北征 宣宗討武定皆預扈從

蒞事內閣最久謙厚縝密未嘗泄禁中語公退閉門獨
坐泊如也

成化四年十二月中書舍人黃瑄等奏本朝置中書舍人

紀錄綸命書寫誥勅在朝廷為近侍之臣永樂宣德間

皆以進士舉人為之陞擢亦異比年來有由勳舊錄用

者有由技術乞恩報効者猥以白丁冒居清秩名器之

濫莫此為甚請自今除中書舍人一如永樂宣德間例

下吏部覆奏從之仍定其陞進之格進士舉人出身者

陞員外郎主事其他光祿寺署正著為令

五年九月中書舍人解禎亮九年考滿時年已六十八矣


例不復用禎亮自言父縉在永樂間擢居內閣頗効忠

勤乞仍舊職 上特許之

七年五月故翰林學士呂原子中書舍人憲乞應順天鄉

試給事中芮畿謂憲以蔭授官欲屈身就試不過為他

日陞遷之地耳不宜許 上曰朕念憲儒臣之子有志



科目特允所請不爲例

弘治二年二月中書舍人吉人言事下獄削秩爲民

四年以馬紹榮爲太常少卿仍掌中書科紹榮常熟人以鄉舉選授中書歷官三十年以清謹聞雖屢遷外階仍居內閣 憲宗朝嘗有急勅夜宣館中人皆醉惟紹榮得奉詔簪筆上殿書麻稱旨同官得無罪

正德二年以張駿爲禮部尚書掌中書科

嘉靖二十六年署掌中書科事禮部郎中郭俊劉延年以爭印相訐奏詔俱降一級調外任

三十四年殺工部侍郎談相相以中書帶銜工部賜飛魚服以母喪請假歸竟不葬母乃日挾妓女衣飛魚服放浪西湖上又恃寵凌鱗有司爲御史所奏 上怒逮至

京斬之按相之初歸賜馳驛給半歲假相歸驕侈宴佚挾持郡邑然頗漏嚴嵩父子納賄事嵩聞而怒之假將滿北上至吳門而傳有倭警徘徊月餘始發其舟尾供一小神像時呼談侍郎與語相怪之抵淮飲於漕憲歸入舟而跌傷左臂乃具實上聞請移假 上怒切責俟至京聽該科叅究相馳之京自意當降秩供事而已叅疏上逮付刑部無以罪也使郎探之世蕃答曰 上怒甚必擬死而後愜乃坐以比附棄毀制書律斬報可遂

同張經等棄市

三十九年十月黜中書舍人劉芬爲民初吏部議以進士
克景府長史芬清狂不慧或戲之曰吏部將以爾爲之
芬大怒卽馳往尚書吳鵬家裂冠毀裳戟手大詈而去
鵬以聞詔錦衣衛逮送法司拷問黜之

按楊一清曰此官存古制也所典司天子辭命親王郡
王并妃初膺封號合受金銀冊則書之自郡王以下至
奉國中尉自王夫人以下鄉君合給誥命則書之凡公
侯伯初受封爵合給鐵券凡勳戚內外文武官應給誥
命勅命則書之其職掌至重也每大朝會則擬四員與
翰林史官上殿東西班對立凡東宮節令朝賀定擬二
員文華殿導駕侍班凡會試一員入場收掌試卷日給
大官酒饌與翰林宮坊尚寶司六科同爲侍從之臣諸
司無相並者其地勢至清也其選用自進士外舉人與
纂修書成被恩典者乃得之監生生儒惟有勳勞大臣

暨宮僚講官有子孫宜承蔭敘奉特旨者乃得用之亦非輕矣



附誥勅

國朝王府誥軸舊制王雲龍王夫人雲鳳軸嵌七寶後親郡王俱用冊惟親郡王生母封夫人者仍給誥命如舊製鎮國將軍及夫人用玉軸輔國將軍及夫人犀軸奉國將軍及淑人鎮國中尉及恭人俱金軸輔國中尉及宜人奉國中尉及安人俱角軸郡主及郡主儀賓犀軸縣主及縣主儀賓郡君及郡君儀賓俱金軸縣君及縣君儀賓鄉君及鄉君儀賓俱角軸文武官誥勅軸舊製官一品雲鶴錦夫人雲鸞錦俱玉軸二品獅子夫人灘鶉俱犀軸三品四品瑞荷淑人恭人芙蓉俱金軸五

品瑞草宜人四季花俱角軸六品七品安人孺人俱葵
花烏木軸及八品九品官同文用玉箸篆武用柳葉篆
品級花樣引首同新製武官誥軸一品至九品俱鎧甲
葵花引首抹金軸仍用柳葉篆文今兼用之

洪武四年閏三月 上閱翰林所撰武臣誥文有佐朕武
功遂寧天下之語卽改作輔朕戒行克奮忠勇因詔詞
臣諭之曰卿此言太過堯舜猶病博施大禹不自滿假
朕何敢自侈大之言乎自今措詞務在平實毋事誇張
六年九月詔定文武誥勅制度公侯一品至五品誥命六
品至九品勅命 凡誥勅勘合籍以急就章爲號凡誥

勅之號四曰仁曰十二支曰文行忠信曰千字文字以
千號爲滿滿則續

九年以學士宋濂知制誥

永樂初選翰林文學之臣六七人直文淵閣叅典機務詔
冊制誥皆屬之而膳副繕正則中書分直更入事竣輒
出宣德間三楊始置厨饌於閣之東偏而選能書者處
以閣之西小房謂之西制勅房諸學士則居閣之東五
楹專管誥勅具稿定正於閣老乃付中書繕進謂之東
誥勅房而帶知制誥銜則惟閣老與諸學士而已中書
等官不敢僭也時諸學士每蚤與閣老會食乃退正統

九年陳循入閣後學士惟劉鉉一人過自遜避朝退止於東閣不復會食視誥勅以後學士皆因之至今誥勅閣老悉委於中書序班譯字等官依樣畫葫蘆矣

洪熙元年 上閱京官誥詞顧大學士楊士奇楊榮金幼孜曰卿三人及蹇尚書夏尚書皆 先帝親任舊臣朕方倚以自輔凡朕所行卿等朝夕共見有未盡善皆當盡言朕見前代人主有一履帝位輒自尊大惡聞直言左右之人雖素所親信亦畏威順旨緘默取容或賢良之臣不肯默默言之一再而不見聽亦退而絕口以圖自全君臣之間各謂永享富貴然未久皆致禍敗朕與

卿等當深以爲戒君臣一體務始終同心庶幾可以共圖利安遂取五人誥詞親御宸翰增二語云勿謂崇高而難入勿以有所從違而或怠曰此朕實心卿等勉之嘉靖六年十月東閣掌誥勅員缺 上諭輔臣曰朕思近年以來有東閣掌誥勅官一員雖 太祖時設有東閣

大學士未有掌誥之命後來或設或革又近來此官之設多爲倖進之人前後附和無益於事以朕論之此官革去不必仍復制誥之文翰林本等職業今後一應制誥誥勅着翰林撰卿等看潤而行又翰林官似多可選文學淵深的五員一陞本院學士二侍讀學士二侍講

學士專管撰稿不必在誥勅房本房見在內閣禁地恐
泄事機未知可否又諭張璠曰 祖宗舊制無東閣官
後來添設不知始自何年不如革之便璠奏按會典凡
內閣所掌文官誥勅正統間以學士專官後久不設弘
治七年復設如石瑄以吏部尚書兼學士管誥勅賈詠
以吏部侍郎兼學士管誥勅俱得挨次入閣所以求此
官者多近因吳一鵬不用入閣人心稍疑而溫仁和又
求爲之仁和歸省又有求爲之者矣臣謂此實內閣私
人况誥勅彼無一字之勞徒建虛名以希幸進 聖諭
欲革去此官誠爲至重遂罷不設

按內閣臣職在司內外制而已未有所謂調旨也自宣
德中二楊與蹇夏始有調旨之說而二楊復以位尊惡
煩特奏以少詹事兼講讀學士曾棨王直王英專知誥
勅然內閣實總之後棨卒直英遷禮部侍郎仍司內制
直出理部事遷吏部尚書英出理部事而以侍講學士
陳循馬愉侍講曹鼐代之尋革併入內閣弘治甲寅復
以學士李東陽兼禮部侍郎掌誥勅說者以爲自東陽
入閣地也東陽入閣太常卿程敏政代敏政以禮部侍
郎致仕禮部侍郎傅瀚代瀚遷尚書吏部侍郎吳寬代
以尚書卒太常卿張元禎代元禎以吏部侍郎卒詹事

楊廷和代廷和改南戶部侍郎吏部尚書梁儲代儲改南吏部尚書劉忠代忠入閣禮部尚書白鉞代鉞卒吏部尚書靳貴代貴以禮部尚書入閣吏部侍郎蔣冕代冕遷禮部尚書入閣禮部尚書毛紀代紀入閣禮部尚書劉春代春卒禮部尚書李遜學代遜學卒吏部尚書石璠代璠入閣吏部侍郎賈詠代詠入閣禮部尚書吳一鵬代鵬出理部事吏部侍郎溫仁和代以憂歸自是張桂等密疏不宜設而旨罷矣按東閣在左順門廊接史館雖有大學士官其職在文淵閣而司誥勅官多坐東閣爲侍從之長故總謂之閣老然非參預政務非

真相也嘉靖內閣以其兩制官不文始奏設翰林講讀史官分掌外制而武官誥勅仍用其屬之能文者理之若詔赦勅草之類仍用閣臣翰林諸臣不得與

七年大學士張璁言成化以前誥勅之體猶爲近古其於本身不過百餘字祖父母父母并妻不過六十字言之者無費詞受之者無愧色近來藻情飭僞張百成千以萬乘之尊下譽匹夫匹婦之賤殊非政體宜加釐正詔自今誥勅務從簡實不許競飾浮辭致褻體制

十二年制勅房辦事大理寺評事岳梁私撰故南京兵部尚書陶琰贈官制誥詞涉浮誇大學士張孚敬等上其

事請示懲戒以重王言。上曰：誥令卿等別撰以進。岳梁騁眩浮詞，蔑視制命，下法司治罪。

二十年大學士嚴嵩以制誥兩房缺官，辦理奏改禮部主事張天復、兵部主事徐學詩爲吏部主事，戶部主事吳蘭、郭東藩、大理寺評事陸從大爲禮部主事，進士吳國倫、嚴杰爲中書舍人，分送西房辦事。

四十四年大學士徐階奏制勅誥勅兩房缺人供事，且能書者或不諳文理，乞於吏部告選舉人內考選文學頗通字畫端楷者三四員，授以試中書舍人職銜，令赴辦理從之。

終

國朝典彙卷之七十

都察院右僉都御史臣徐學聚編輯

吏部 三十七

行人司

洪武間行人高稹陝西巡察，私茶回備言道路人民疾苦，上喜曰：古之使者以覽觀風俗、咨詢民情爲務，今稹亦可謂能利國富民矣。擢鴻臚寺丞。

十四年七月，上謂諸行人曰：凡爲使臣受命而出四方，之所瞻視不可不謹。孔子曰：行已有恥，使於四方不辱。

君命可謂士矣爾等當服膺是言若縱情肆欲假使命而作威福虐害下人爲朝廷之辱矣自今或捧制書或奉命出使或催督庶務所在官吏淑慝軍民休戚一一咨訪還日以聞庶不負爾職也

二十七年先是所任行人多孝廉人材上以其將命四方往往不稱使指至是始命以進士爲之凡齎捧詔赦奉使外夷諭勞賞賜祭祀徵聘賢才賑濟飢荒整點軍馬等事則遣餘非奉旨諸司不得擅差行人之任重矣永樂元年徵靖江王敎授張洪爲行人使日本復使吐番餽送一無所受冬往夏歸裘葛不更人服其介久之緬

甸那羅塔殺孟養宣慰而據其地奉詔責羅塔歸所侵地六往諭始如詔竣事晉行人司副 仁宗朝擢修撰

洪常
熟人

嘉靖六年行人潘銳素病狂時選科道銳不與意不無失望會病發謁禮部尚書桂萼問王安石何如人萼不答因及所試文字語多悖謬萼謂銳意不平語之曰子苟有志勉之不患朝廷不用銳曰今知縣及翰林俸太薄宜加其俸乃可責其貪萼乃盛氣答之曰豈有餓死知縣耶銳艷然出愈益病明且具疏言萼欲多戮貪吏去內豎且許以臣爲御史擅朝廷之柄欲奏之從中躍出

上怒下錦衣衛驗治萼自辯銳所奏皆妄因上銳試卷以明不欺上曰銳小臣狂悖妄言業已下吏鞠問卿等勿得介意及訊銳果病中語然竟坐不得科道懷忿造言令冠帶閑住

冊使

洪武元年十二月遣符寶郎楔斯奉璽書賜高麗國王

二年二月遣顏魯楊載等使占城瓜哇日本等國

十二月遣編修羅復仁兵部主事張福齋詔諭安南占城國各聽命罷兵

遣中書省管勾甘桓會同館副使路景賢封占城國王

四年八月遣佛菘國故民規古倫持詔往諭其國俾知大明平定四海之意

五年正月遣翰林待制王禕齋詔諭雲南朕起布衣提義師開基江左命將四征西平陳友諒東縛張士誠南下

閩粵北靖幽燕奠安華夏復我中國舊疆遂爲臣民推戴卽皇帝位定有天下之號曰大明建元洪武是用遣使外夷播告朕意使者所至蠻夷酋長莫不稱臣入貢惟爾梁王把都平章守光都元帥段勝鎮段雲南尚恐未達故復遣齋詔往諭朕雖不德不及我中國古先聖王使四夷懷服然不可不使天下周知故茲詔諭爾其悉之至雲南梁王久畱不遣

六年遣田儼程斗南等使緬國緬國在雲南之西南與八百占城接境謂之緬甸元時最强盛麓川平緬皆服屬之上聞其嘗通貢於元因遣儼等齋詔往諭之值安

南占城以兵相攻道阻不通畱二年餘不得進召還

十二月王禕遇害於雲南禕秀爽奇敏初徵署中書省篆進平江西頌上覽喜曰吾固知浙東有二儒卿與宋濂耳學問之博卿不如濂才思之雄濂不如卿歷官漳州通判召修元史拜翰林待制知制誥兼國史編修五年往諭雲南梁王曰皇上聰明神聖天人所歸惟爾僻在西南久阻聲教故遣使者來諭意亟宜奉版圖歸職方官封如故身名俱全不然天討旦夕且至梁王不聽館別室數日又諭曰朝廷以雲南百萬生聚不欲殲於鋒刃曾不聞元綱解紐天兵西征不五六年天下大定

爾恃險遠屢拒明命龍驤鷁艦會戰昆明悔無及矣梁
王駭服有降意卽爲改館會元遣使脫脫至雲南覘知
梁王有二心欲迫殺朝使以固其意梁王持兩可不決
匿禕民間脫脫聞之誚梁王梁王不得已出禕與脫脫
相見脫脫欲屈禕禕罵曰天訖汝元命我朝實代之汝
知燭火餘燼尚欲與日月爭光耶我將命遠來豈爲汝
屈耶有死而已顧梁王曰汝若殺我大兵且夕至矣竟
被寔瘞地藏寺北年五十二子紳走雲南求父遺骸不
得述滇南慟哭記後贈翰林院學士奉議大夫謚文節
開國以來文臣有謚自禕始後改謚忠文

七年遣故蒙古威順王子伯伯齋詔往諭雲南

八年九月命湖廣行省叅政吳雲使雲南 上謂雲曰今

天下混一四夷賓服獨雲南一隅未奉正朔朕欲以兵
取之恐勞師費財以傷遠人卿能爲朕作陸賈乎雲對
曰天命所在誰能違之第彼恃險遠故阻聲教臣奉
陛下威德往告大義曉以禍福彼必附順若冥頑不從
與師未晚遂遣雲行時元梁王使其臣鐵知院等二十
餘人使漠北爲大將軍所獲送京師 上釋之命與雲
偕行至雲南之沙糖口鐵知院等謀曰吾屬奉使不達
中道被獲而還罪必不免於是共說誘雲令胡服辮髮

詐爲元使又逼令改易制書共給梁王雲不從以死自誓鐵知院等知不可奪遂殺之梁王後知其事遣人收雲骨送蜀給孤寺殯之後雲南旣入版圖朝廷始知其死官其子黻爲國子生弘治中諡忠節

二十四年九月遣禮部主事寬徹御史韓敬評事唐政使西域以書諭別失八里王益堅事大之誠通好往來以保封國

二十八年十二月命給事中傅安郭驥使西域

二十九年二月遣李思聰錢古訓使緬國及百夷詔緬國王罷兵解爭緬人遂聽命復詔思聰發思倫發聞詔恐

懼俯伏謝罪願罷兵適其部酋刁幹孟叛思聰等以朝廷威德諭其部衆叛者稍退思倫發欲倚使者以服其下強畱思聰等又以象馬金寶爲餽思聰爲書諭却之以爲中國不以象馬金玉爲寶所寶者忠臣烈士強兵勇將孝子順孫宐送使者還朝自此不爲侵擾斯可以明忠君之心思倫發大喜邀思聰等設宴爲樂率其部衆送之境上思聰等還具奏其事且著百夷傳紀述其山川人物風俗道路之詳以進 上以其奉使不失職謂其才可用甚喜之各賜衣一襲

禮部尚書任亨泰奉使安南私市蠻人爲僕降御史

陳亢宗使高麗大振風采方物侍妓一無所納國人無以
狎之因請造其殿記亢宗不允君臣懇禮數四乃爲握
筦王燕謝獻紫金瓶一枚亢宗拂去王強之便索文欲
毀裂王乃收瓶謹謝焉歸朝或謂旣已爲文受瓶可已
亢宗言造文潤筆固亦有名吾以天朝儒臣爲彼記殿
體勢重矣受瓶則是有價且吾行爲賣文也寧可忽諸
三十年正月遣使諭別失八里王黑的兒火者先是寬徹
至別失八里而黑的兒火者拘畱之副使二人得還至
是復遣使持書往諭之使知朝廷恩義母起兵端

建文元年三月戶部右侍郎夏原吉都御史暴昭給事中

徐思勉等二十四人克採訪使巡行天下問民疾苦與

廉黜貪得便宜行事

永樂元年九月遣內官李興等齎勅勞暹羅國王昭禱羣
鷹哆囉諦刺并賜王文綺帛及銅錢麝香諸物與其貢
使偕行

三年四月僉都御史俞士吉冊封日本國王

七月內使王琮同給事中畢進封故真臘國王長子叅烈
昭平牙爲王

五年十二月撒馬兒罕頭目哈里遣人送給事中傅安郭
驥還安等使西域畱撒馬兒者十有三年至是頭目

哈里合虎及達送安等還且貢方物厚賜之改安等禮科賜衣已而兀魯伯貢馬復遣安報使至洪熙元年始還國請勅命吏部言安歷年雖久未經考覈例不得授景陵曰安使遠夷二十餘年良苦何例爲與勅

十年五月原任四川會知縣張邦達坐累戍邊以薦出使榜葛刺還奏稱旨擢御史

十一年八月遣吏部員外郎陳誠偕中官李達使西域

十三年十月陳誠還上西域記詔付史館誠吉水人奉

命出肅州嘉峪關自哈密歷土魯番至火州亦力把刀于闐撒馬兒罕哈烈以至八答商柳陳誠迭里迷渴石

養夷塞藍連藍失於沙鹿海牙凡十餘國無不編歷宣布國家威德旣而諸國各遣使隨誠詣闕後出使往還凡三歷寒暑備錄其所悉山川土壤人民物產之異飲食衣服言語好尚之不同爲西域行程記上之

遣禮部員外郎呂淵使日本

二十二年九月遣行人周彝齋勅使琉球國

洪熙元年二月遣中官柴山賁勅琉球國故中山王恩紹子尚巴嗣王

十一月命禮部侍郎李琦工部侍郎羅汝敬爲正使通政王驥鴻臚卿徐永達爲副使賚詔撫諭安南冊封朝貢

仍遵洪武舊制 上將赦交趾命擇人克使蹇義薦伏
伯安楊士奇語夏原吉伯安不可使義當榻前力爭當
是時 上尤信任原吉比召諸大臣入議義薦伯安
上顧原吉云何對曰不可義曰伯安有口才羣臣不及
上又顧問士奇云何對曰伯安有穢行無學識遣使必
辱國 上曰義不尤爾否對曰義和厚無人已心況於
國事孰敢偏任已見 上從二人言不遣伯安使義亦
不以二人爲異已也

天順三年 上致書天下宗室諸王曰先於正統十三年
因內外官員人等差去王府多有不遵禮法求索財物
以致王府措辦艱難甚失親親之義已勅該部通行各
處三司巡按御史等官許令體察具奏拏問治以重罪
及致書各處王府知會以此人不敢犯近年以來差去
官員視爲泛常略無忌憚且如修武伯沈煜給事中王
儼遣往瀋府冊封行禮接受王府銀兩數以百計其餘
表裏財物等項甚多况王府財物有限豈堪如此費用
其沈煜等已置於法今後但有遣去內外人員到府除
飲饌之外一毫財物不可與之若有無知之徒不顧廉
恥求索財物者事發仍照正統年間事例正犯處死全
家邊遠克軍庶人知守法親族不至勞費

四年成山伯王琮給事中鄭瑞往楚府冊封沿途受軍衛
有司米肉且受崇陽王府羊酒爲科道所劾下獄琮罰
祿一年瑞罷爲民

七年侍讀學士錢溥給事中王豫使安南其王各餽以金
銀及鑲帶溥等固辭不受王命陪臣賚至京溥等猶未
敢受上曰旣已賚至令溥等受之

成化四年十二月遣太監鄭同翟安冊封朝鮮世子李暉
爲王太監沈繪致故王祭旣行遼東巡按御史侯英奏
同與安皆朝鮮人祖宗墳墓父兄宗族皆在其地於其
國王未免行跪拜禮及有所囑托殊輕中國之體禮部

以聞旨謂英所言是今後齋賞遣內臣冊封等禮仍
選廷臣有學問者克正副使

七年三月遣都給事丘弘行人韓文爲正副使往琉球封
其世子尚圓爲中山王

十年給事中陳峻等封占城國王槃羅茶悅至其國新州
港口守者拒不容進詢知其地爲安南所據占城王避
之靈山旣而之靈山則知槃羅茶悅舉家爲安南所虜
而占城之地已爲交南州峻等不敢入然所齋載私貨
及挾帶商數多遂假以風汛至滿刺加國互市誘其王
遣使入貢還奏詔責安南貢使俾返占城侵地後封占

城王子齋亞麻勿庵爲王給事中馮義爲正使行人司副張瑾爲副使義等仍多挾私貨圖市利至廣東則聞齋亞林勿庵已死其弟古來遣官請封義等慮空還失利亟取占城至而古來者復見逐安南矣以僞勅立其國人曰提婆苔者權掌國事義等不俟奏報輒以印幣授提婆苔封之爲王各得其黃金百餘兩又經滿刺加國盡貨所齋以歸義至海岬病死瑾具其事且納其僞勅於朝禮部劾瑾專擅封立下錦衣衛鞫治始得其狀法司比依大臣專擅選官律坐斬後至秋審減戍

十二年九月按察司彭韶奏各王府祭喪省差內官及行人等官以免勞費從之

十九年十二月給事中林榮克正使行人黃乾亨克副使往滿刺加國封王航海遇風溺死兩廣巡撫朱英奏聞乞加恩典命賜祭蔭子贈榮都給事乾亨司副其官軍人等同行溺死者命有司於海邊設位招魂以祭

二十年二月命給事中李孟暘使占城封其王之弟古來比行孟暘言占城險僻安南之構兵未靖而提婆苔又嘗竊據萬一不順損中國威宜縱其來使傳命古來仍勅安南悔過上悉從之明年遙擢都給事中畱廣中數年卒致古來厓州而定其封

弘治元年給事中王纘出使安南其國王郊迎席拜以璫卓叱去之所餽金寶一無所受

正德十一年十月毛憲差往湖廣冊封及還京復上疏曰臣奉命往湖廣遼府冊封見沿途老幼男婦掘食野草僵臥呻吟死者枕藉蓋遭洪水田地拋荒而催徵部使方且絡繹而至日加鞭撻重以採木煩難遺害非細伏望垂憫勅下該部速行議處賑濟督徵使臣暫取回京採木等項稍從寬減更乞罷工作以息勞費節賞賚以惠困窮不報

十六年八月巡按山東御史楊百之言太監金義陳浩奉

使朝鮮沿途需索遼東一處賍私已千餘他處可知今朝廷於諸番國如占城安南及滿刺加等處遇有遣使皆用翰林官或給事中行入銜命以往况朝鮮比之諸國尤為秉禮之邦乃獨遣內臣奉使其辱國損威甚矣聞朝鮮國王久欲請封畏使臣之婪索濡遲至此故其國中有一次授封五年告乏之語非所以尊中國服遠人也乞今後遣使朝鮮皆於文職中擇進士出身者充之不宜使內臣辱國命命所司知之

嘉靖二年編修孫承恩給事中俞敦奉詔勅彩幣諭賜安南國王梨暘行至龍川聞其國多亂道不通使臣不得



入還至梧州敦病瘴卒承恩上疏言狀兩廣總督張嶺
等疏亦至禮部覆議上命承恩回京夷方事情令鎮
巡查勘以聞

二年忻成伯趙武奉命冊封楚府還至南京以奸占樂婦
事覺刑部尚書趙鑑請逮問之得旨武奉使辱國姑奪
祿一年

十一年十二月遣給事中陳傑行人高澄往封琉球世子
尚清爲中山王傑往來海中時遭風險幾至顛覆至十
四年還乃上言初去開洋逆風大作舟遂發漏羣呼剪
髮設誓求神俄而風息尋塞罅漏此其功一舟回時遇

颶風折桅壞舵舟人震哭大呼神救忽有紅光自空舟
人驚報神降遂得無事此其功二時當易舵風濤甚惡
衆不敢任請命於神得吉兆遂易得安此其功三又有
一蝶繞舟雀立桅上人以爲神想來救難是夜果疾風
迅發白浪拍天臣等懼甚因言聖天子威德被海內外
百神效職海神獨不救我輩乎當此風濤能保我數百
民命真爲奇功當爲奏聞立碑言訖風緩舟行如飛徹
曉已見閩山此其功四因請令福建布政司與祭一壇
以答神休部議從之

十八年以禮部尚書黃綰使安南

二十三年十二月禮部言國家冊封宗藩所以惇敘九族
乃正使武臣多從人役需擾驛傳既又遲回不發以要
厚餽王府苦之今宜勅戒諸使臣各奉法將命 上曰
冊封大禮各宜仰體朝廷親親至意遵守禮法約束從
人所過不得騷擾驛傳事畢還報不得遷延違者聽巡
按御史舉奏

二十八年九月禮部言冊封之典歲一舉而持節行首以
勳臣克之所以專命使重藩封也近歲慣習營差之輩
與夫新襲封爵少不更事者類皆以此爲殖貨之門奉
使而出恣肆驛騷需索饋遺致損國體請以後冊封之

期本部移文中府等府掌印官會同公舉其饋求索取
及連年奉使三次以上者不得濫與如帶俸勳爵不敷
卽與僉書參用違者聽部科糾奏報可

三十一年遣官冊封修撰陳謹給事中徐應郭立彥俱後
至詔下鎮撫司逮問謹謫爲惠州推官應立彥俱按察
司知事而以編修呂旻給事中湯日新紀公巡代之

三十九年三月初遣給事中郭汝霖行人李際春往琉球
冊封至福建風阻未往會其國遣陪臣正議大夫蔡廷
會以謝恩入貢至因稱受其世子命以海濤叵測倭夷
不時出没恐使者有他虞獲罪上國請如正德中封占

城國故事遣人代進表文方物而身自同本國長史梁
炫等賫回詔冊不煩遣使巡按福建御史樊獻科以聞
上下禮部議言琉球在海中諸國頗稱守禮故累朝以
來待之優異每國王嗣立必遣侍從大臣奉命服節冊
以往今使者未至乃欲遙受冊命則是委君貺於草莽
其不可一也延會奉表入貢乃求遣官代進昧小國事
大之禮而棄世子專遣之命其不可二也昔正德中流
賊爲梗使臣至淮安撫按官暫爲畱住館伴俟事寧卽
遣貢闕下占城國王爲安南所侵竄居他所故令遣使
者賫回勅命乃一時權宜且比失國之君造無稽之辭

以欺 天朝援失國之君以擬其主其不可三也梯航
通道柔服之常彼所藉口者特倭夷之警風濤之險耳
不知琛寶之輸納夷使之往來果何由而得無患也其
不可四也當時占城雖領回詔勅然其王沙古卜洛猶
懇請遣使爲蠻夷光重且延會非世子面命又無印信
文移若據輕信其言萬一世子以遣使爲至榮謂遙拜
爲非禮不肯受封復上書請使如占城將誰任其咎其
不可五也乞令福建守臣以前詔從事使至於未受封
而先謝恩亦非故典宜止聽其入貢方物其謝恩表文
俟世子受封之後然後遣使上進庶中國大體以全而

四夷觀望可肅上從部議

四十一年六月郭汝霖李際春自琉球國使還詔陞汝霖為光祿少卿際春為尚寶司丞汝霖等至琉球其王尚元餽送黃金為謝汝霖等却之及是尚元遣使謝恩因賫所餽金請上命頒賜二臣上謂朝廷命使無受金義詔聽汝霖等辭尋以二臣遠行效勞各賜銀幣

四十三年十月烏思藏闡化王請封其王事遣番僧遠丹班麻等二十二人為正副使以通事序班朱廷對監之比至中途班麻等肆為騷擾不受廷對約束廷對還白其狀禮部因請自後諸藏請封以誥勅付來人


齋還罷番僧勿遣無已則下附近藩司選近邊僧人賫賜之上以為然令著為例封諸藏之不遣京寺番僧自此始也

四十四年九月禮部覆議御史顏鯨奏請自今冊封新王及親王妃擬勳戚中老成端謹者一人為正使以翰林院坊局六科尚寶及卿寺五品以上官為正使以部寺屬官中書行人等官副之其致祭親王改差卿寺五品以上或本部司官仍如舊例以四月初旬傳制遣官而封正副使以體定限違者叅究著為例奏可

四十五年三月詔更定冊封遣使除親王正使仍用勳爵

外其世子郡王正使止用翰林坊局六科尚寶司官副
 使止用行人行人不足則以中書克之若差多人少就
 近併差不得槩用各卿寺與部屬官其致祭親王亦止
 用尚寶等官部寺各屬母有所與時冊封新例多用
 文臣克使各衙門爭欲得之禮部以其人求自便恐妨
 職守乃建議更正從之

享和英爽



[Faint bleed-through text from the reverse side of the page, including characters like '冊' and '封']

